

稻香吟館詩藁

稻香吟館集序

許齋李公與余丙午鄉貢同出於朱文正公之門在京邸氣誼相投學問相長尤爲親切在浙同政事者數年余推誠相倚公亦竭誠民事屢蒙特恩擢至方伯竟卒於閩

殊論稱之爲良吏實可慟惜矣閩彈章之誣者有二大案一則李忠毅一則李方伯忠毅賴

聖明雪之於生前方伯賴

聖明雪之於卒後二公皆余至交何所遭多迂也余爲方伯作良吏傳存之

國史館矣方伯子華清刻稻香館集寄滇屬作敘言
李公之慈祥廉正讀集者可想見其爲人華清能輯
理父文刻爲集實爲肖子方伯嘉定人初令平湖謂
陸清獻乃平湖人官嘉定者下車卽拜陸祠立誓期
無愧於清獻乃浙帥忌其名而故欲反其道以誣挫
之所以死也噫是可哀已

道光七年冬年愚弟阮元書於節性齋

稻香吟館遺稿者嘉定李鄴齋先生所爲詩也先生從同邑錢曉徵詹事問故明經精小學善覈厯代官制顧撰述多散佚詩特其餘事耳然風格綽婉隸事清新泠然得白陸之遺父蓼園太守有文學由進士歷宰江西諸縣假贛州守終政清而敏先生繼之鄉會試出王文端朱文正二公之門皆魁本房釋褐授平湖令嘉慶四年公卿以先生應

詔密薦浙撫儀徵公奉

旨詢先生居官以浙省第一賢員對遂擢同知遷知府母憂去官再起知汀州不兩載洊擢至福建布政

使所至以廉仁聞平生宦蹟略見於詩然莅閫以後
篇什較寡母亦位尊任重勤於吏事而不暇爲與往
儀徵公將栞朱文正詩先後命先生與壽祺編次校
讐文正有詩謝之見知足齋集中而先生之詩恒拳
拳述文正教其他懷人感舊往往於師友氣誼尤篤
蓋其淳慤天至故發之心聲靡弗應也已而先生在
閩藩糾劾昏墨爲猾吏誣訐對簿憤激而死雖微傷
婞直然其志矚然不滓也誦絕筆剛風篇屋烏門雀
黃鑠白圭之語亦足悲矣幸賴

聖明洞察卒直其獄下

詔稱先生良吏者再而閩人感先生之德哀先生之
冤相與籲訴

天使立遺愛祠享嘗至今不絕則先生之所以不朽
者豈獨文采過人而已哉於戲先生政學當在儒林
循吏之間固不樂以其詩傳顧卽以其詩而藹然仁
義之言未嘗不爲天下所共見也疇獨私於先生哉
先生之遷兵備去汀州今巡撫金匱公代之及先生
罹難公仗義經紀其喪贍其家甚力歲時屢謁其祠
甚敬節鉞再至乃求先生遺稿刪定之而屬序於壽
祺壽祺於先生非素交奚足以知先生顧嘗景慕於

二十餘載之前而偕尸祝於鄉黨之後攬其文如見其人焉得無一言以質九原抑金匱公之所以汲汲傳先生者雖朱文季范巨卿之風何加焉論先生之世而觀其取友益使人感奮於百世之下也道光四年春三月福州陳壽祺序

稻香吟館詩藁卷一

嘉定李賡芸生甫

懷四明袁秀才陶軒

草橋門對西陵渡渡口春山綠無數翠嵐隔斷曹娥江
我有神交江上住人生不如鹿豕羣南北浮雲終不遇
去年鼓櫂鏡湖濱信宿山陰卻歸去蒼煙茫茫月迢迢
推起烏篷屢回顧見君無由重思君跳躍雙丸春又暮
欲飛殘夢過錢江惱殺簾旌撲輕絮

蘇李泣別圖

抵乳餘生返漢京河梁不改故人情片時低首雙揮

和者吟會詩集卷一
淚節上殘旄拂少卿

達甫妻弟自杭來訪卽述其由秣陵赴姑熟效

昌穀體

君載虎林秋蒼葭送近遊相思忽相見何似訴離愁
落葉白門館輕裝幾日畱淩寒過采石爲我酌高樓

詠古絕句

西母親傳六甲符柏梁臺迴萬靈趨如何乞盡長生
術終寫周公踐阼圖

甲帳珠簾已劫灰西飛青雀幾時回還餘未竟求仙
志重到人間賣玉杯

一代論功重發蹤山河帶礪徧酬庸將軍自化滎陽
燼知否人閒雍齒封

卯金才子漢儒林賈董文章汲鄭心箕範陰陽論晚
歲枕中鴻寶悔應深

待詔曾偕張子僑晚持使節路迢迢賢臣聖主平生
願賸有宮人諷洞簫

漳河淼淼月遲遲想見銅臺悵望時試問西陵埋骨
地分香諸伎可曾知

宣和御筆擅蒼鷹老去星袍落塞庭雪滿天山圍獵
日拈豪可寫海東青

錦暉綾籤妙不同臨摹褋帖更稱工學成鳳翥龍蟠

筆

吳后跋高宗御書語

可寫家書問兩宮

吳后跋

鐵撥檀槽素擅場銀鈎細字倣鍾王如何彈罷回心院又染雲藍寫十香

萬里歸期那得歸風鬟霧鬢淚依稀金環寄去無消

息爭比雙雙蝴蝶飛

邢后嘗目雙飛小蝴蝶金環一隻寄高宗

歸自建康得亞江夏閨書愛其情文之美作三

詩報之

乳燕銜花片嬌鶯坐柳絲闌珊春事去君得我書時

來書中語

我書到每易君書來何遲碧海偶阻滯青鸞多

愆期我行白門道商飈吹征衣江南蒹葭蒼野水搖
寒漪溯洄欲從之高詠伊人詩今朝初返權尺素欣
手披硃光五采牋斐亶珠璣詞上言久相別下言長
相思相思各無際落葉聲淒淒

我困童軍中子困諸生久雙丸逝駒隙蘂落各不偶
子如圭與璋暫爾伍敝帚我如荆山璞未被良工剖
追琢無人加終居燕石後世俗知者希皮相什八九
祇較得與失不問妍與醜蘭荃雜葳蕤芬芳鬱林藪
干將竝鉛刀紫氣燭牛斗感子慰我窮勗我勵所守
文淵有良訓敢不銘座右

以窮且益
堅語相勵

相期各努力盛

事在不朽

子居錢江濱夜半聽濤聲影沙更碧石淘盡心不平
我登建康山昨嶺羣峯青胸中起五嶽萬慮紛崢嶸
異地有同感涕泗交縱橫猛虎嘯谷風百獸暗不鳴
大鵬一鼓翼九萬圖南程丈夫抱壯志翹首仰青冥

出門

出門又三月歸家已九秋
躑難衣食累瑣屑米鹽愁
畫篋蝸涎蝕書牀鼠跡留
夜來聽落木清響一庭幽

又值

又值蕭晨感百端
歸來才脫遠遊冠
傷心南國夫容

褰極目西風鵬鷃盤黃葉踏殘空谷響白蘋吹老釣
磯寒閒居詩與登高賦十載青衫淚暗彈

吳郡江布衣

聲

精於小學無從識面賦此懷之

小學誰精絕印得未曾薪傳許叔重筆陋李陽冰
古體每驚俗公車定見徵跂予望鯨水挑盡讀書燈
秋山行旅圖卷爲妹聳顧南林所藏先君子在
饒州時之手澤也感而賦此

丹青元共一經傳展卷看時淚泣然紙上谿山畱不
住莫將花木記平泉

吳門館齋感懷寄南林秀才

讀書兼力穡如子又何求德食一經舊勤多三斗收
煙痕村外樹帆景渡前舟莫負閑居樂同心訂唱酬
吳市吹簫客萍蹤到處稽稻梁分鶩食枳棘引鸞棲
飄泊違朋友難辛累母妻青冥雖咫尺難覓上天梯
讀玉溪生詩

美人香草志堪哀綺麗都從屈宋來露滴三霄金作
掌樓嵌七寶玉爲胎通侯貴壻難齊命丞相公孫止
妒才但撫華年悲錦瑟星郎襟抱幾曾開

詠鏡和周舍人

菱花生壁月臨池想見江心鑄就時對我尙畱眞面

目于人不解混妍媸休疑長廣搖難定但去塵埃照
豈疲曾向策勲亭畔過可堪多諷杜陵詩

詠燭

痕看指刻鬬新吟未許華堂醉解襟當月出時人便
去怕霜清處夜將深檢書欲滴千行淚對酒先灰一
寸心縱有鄰光寧久借金蓮雙照羨難禁

詠雁陣

似倣江邊八陣圖軍容一望色如茶飛翔勢整凌雲
去鵝鸛排成背水呼鞠旅未須飄赤羽銜枚聊許借
黃蘆南征莫過衡陽嶺怕有人間落雁都

詠塵

九陌飄飄化素衣
隙中野馬影俱微
雕梁亂落歌喉
振芳榭常凝屐
齒希未到拜時誰
肯望可知吹去便
能飛
隨風舞上青霄裏
才信非終弱草依

賦得硯田

儒家素產石爲田
縱不荒蕪草又元
耕處總須畱舌
在勅時差幸帶經
便賦邀長兔偏難
售人弗相爭豈
直錢欲向老農詢
學稼此中何術可
逢年

寄東周舍人青原五十韻

六代江山秀鍾才
軼等倫錦堆同
舊榮玉尺比端醇

舊德傳菰韭流風溯癸辛頭銜矜小鳳膝下有雙麟
綺歲騰華譽騷壇冠席珍牛心分上客鷺羽贈先民
已耀南翬彩初舍東箭筠橫經充弟子問歲尙桓隣
十四歲入學路始干雲上功逾映雪頻詞鋒光燦燦學海

漲粼粼吐句雕瓊巧謀篇爛錦勻排龍應拚陸突鳳
足摧荀細字題黃絹新詞刻翠珉膠庠聲籍籍儒雅
貌恂恂衛玠脂凝面潘安果滿茵紅絲諧淑偶白璧
締良嫺瑟友兼琴靜冰清映玉淳瑤章眉筆和綃帙
粉痕親飛鳳元占吉鳴雞早戒辰愛才逢節使假館

聘嘉賓

制府尹文端公課書院特
加激賞遂延課諸公子

座授先生簡言書

公子紳歌颺容代賡

從說文古音

削奏每咨詢珠履簪橫

玳珊牀管架銀隱山毛已澤拔萃氣彌振

乙酉選拔旋叶

黃衣夢恭逢

翠輅巡策名邀

睿鑒通籍演

溫綸地分陪絲閣曹司直

玉宸紫微循故事紅藥伴吟身醴設淮山畔經傳雁

渚瀕

授兩王子鄭親王書

方欣參密勿詎意偶沈淪

在軍機處呂

同官事註

鳳沼雖非遠龍岡且暫因

主講順德府龍岡書院池

開波激濫樓聳勢嶙峋

院有池及理學大成樓俱見君詩

訓說皋比

擁規條鹿洞遵諸生牆共負弟子響咸臻爲痛皋魚

木兼懷張翰尊浮家通路水稅駕石城闔東閭開重

入渤海相國任江寧藩收時西園迹未陳在制府旌

招非故府羅致又平津啟幕夫容曉同心蘭蕙紉此

爲六月息終見一朝伸鷺佇騰文翮鯤行奮錦鱗瀛

州魁學士闔苑列詞臣敢擬交攀呂叨同壻贅秦兩

回邀眄睺千里阻音塵寄遠魚雙尾言情月一輪窮

愁餘有我樹立不如人下駟孫寧顧非材石豈掄儻

堪勞刻畫便是荷陶甄沾漑河分潤光暉燭借鄰長

言羞腹儉彌信阮郎貧

燭夜

籟靜耳漸鳴四片柝聲起獨坐與愁語燈花爲知己
崢嶸歲催莫生計一幅紙倚枕不成寐窗上月如水
愁

心竅細於芥容愁頻往來豈關詩引出聊借夢推開
黠鼠緣帷下驚鳥叫樹哀夜長思更遠寒燄落燈煤
詠落花

亂隨飄絮逐飛蓬失卻河陽千萬叢背面唬痕捐寵
後斷腸心事不言中情根未割難超劫色相猶存豈
卽空翻怪韶光太多事年年刻翠更雕紅

由來旖旎比佳人彫謝非關夙世因翦彩豈真堪續
命買絲聊復爲傳神紅鉛頓失千金笑黃土徐消一
掬身莫解封家姨妒忌空山流水恨無垠

窗外無端鳥數驚一番顚顚負初晴讓他香草承新
寵輸與楊花有後生珠箔遠遮難辨景金鈴微動那
聞聲不須喚取奚童掃畱向庭階也有情

繡扇全週廿四番阿誰知豎五星幡滿庭香護落錢
隙數點春填繡履痕映水更無魚弄景繞枝應倩蝶
招魂游絲吹盡鶯聲老有客天涯獨閉門

碧雲根畔玉階前仔細相思仔細憐阿措夢中翻酒

蓋樊川吟罷颺茶煙脂魂粉魄猶餘媚瑤屑瓊塵尙
鬪妍欲把錦囊收拾去畱他孤館伴人眠

趙后敲殘七寶簪西施揉碎舞時衫一般恨事都難
問半晌禮華不可緘香雨忽看颺丈室胡麻爲伴到
塵凡風流多謝紅襟燕還與芳泥次第銜

分綬雕闌與畫廊堪憎鷓鴣妒羣芳一年佳麗如泡
景十里樓臺鎖夕陽湔爾定須求錦水葬卿端合屑
名香春愁還許東鄰共又見隨風過粉牆

曾記江邊緩步尋如何重到便成陰亭臺幾陣碧雲
滿門巷一犁紅雨深天上瓊瑤猶有樹人間錦繡更

無林最難忘是妝樓畔低語商量鬢朵簪

雨浪風狂兩未堪瘦紅無語戀江南玉釵人到難重
斷碧落仙過憶昨探可有夢來尋錦洞但教魂去遠
筠簾山香聽罷增惆悵半似情慵半酒酣

難覓仙家駐景丹百花狼籍淚空彈愛他幾許輕相
摘畱得何曾耐久看弱質那禁連夜雨微肌難敵五
更寒閒愁如水天如醉深院無人獨倚欄

哭族父儀齋將軍

長安人昔曾受
其賜卹之惠

封書四千里發緘不忍讀長安遠于日出門向西哭
朔風吹淚寒灑徧竹林竹回腸念舊德彌令痛華屋

和名山會言卷一
遙遙北邙山莫致芻一束他年入秦關拜公碑下粟

贈亞江

當年坦腹臥東牀如玉爭誇騎省郎紅燭樹前窺鬢
景青紗幃畔染衣香卿教碧漢填烏鵲我亦瓊簫駕
鳳凰那得大羅天上去彩毫同日詠霓裳

九日述懷

千金駿馬百金刀挾彈彎弓意氣豪那得山南同射

獵祇從硯北事焚膏編蒲未竟書三篋

近每借人學書鈔之

鏡先驚鬢二毛

今年初生白髮

令節江村逢下九我非喬嶽

豈登高

里中有小邱號鶴槎山此鄉人登高處也而余未嘗一至

棘猴玉楮費撙雕欲逐漁人事緯蕭種樹書成休託
盜買山錢乏且吹簫文心枯似逢秋草愁緒繁于展
卷蕉落盡桂華庭院宋舉栢新月已堪邀

泌水何曾可癯飢況逢珠桂價難齊無雞可奉茅容
母有錢常提鮑氏妻剜肉醫創謀總拙賣絲糶穀計
全迷祇餘秃管書堆裏似有光芒射紫蜺

標榜詞壇頗嗽名姑胥浪迹對孤檠奇書到眼囊偏

澀小隱縈懷計未成祖慎叔重宗元康成崇實學攀嵇交

呂得虛聲年來講求六書探討經年來知足心如水

學每邀鉅公碩儒刮目

不比彈棋局不平

七月十六夜吳寓枕上初聞蟲聲

見月已憐闕聞蟲又感秋此時河漢影應射最高樓
宋玉悲何事維摩病未瘳客懷同落葉連夢上扁舟
時將至
武林

七月十七夜不寐作

殘月透窗罅嫩涼入靜時秋心從夜覺旅病畏家知
翠減梧桐蚤紅凋菡萏遲關河同調在搖落滿天涯

哭金樸園明經

日追

披覽孜孜幾暫停丹黃讐徧十三經文章那奪科名

命

君勤於校經而制義亦工然省闈兩薦終不售也

魂魄難邀草木靈到死

惠書成絕筆

七月三日君作書寄予屬借說文繫傳乃封書後不羅預頃而溢狀遽逝蓋眠

食如常故醫藥弗及也

返生无術破重冥從今赤牘真須去展

玩先愁涕欲零

家嗇生教授

保泰

見示蜀碑三通及聲韻書兩

種作哥報謝

先生好游兼好事淵岳精氣羅心腸碧玉江珠弃不
顧賴有圖史碑版充歸裝蒲桃古錦裹不住每吐光
燄騰娥潢扁舟夜泊濫瀕口三峽急浪投虹梁陽精
未斃水犀角鮫珠亂迸天吳藏歸來高插鄴侯架奚
啻珣玕琬琰瓊琳琅金昌亭邊暫稅駕容我借讀開

奚囊青城唐碑出手拓墨翠欲滴浮幽香淳熙魏城

造橋記金垂玉屈波磔強雨淋日炙石未爛鬼神呵

護畱西荒翰林大令考聲韻

戴檢討震聲韻攷段知縣玉裁六書音均表

縑絲剝蕉心如芒冥摻古音契天籟形聲轉紐咸昭

彰我從北窗展玩更細讀頓覺暑氣滌盡來清涼鯁

生邇年頗嗜古可奈白戰无鐵空峇張亂書堆中兎

園冊半飽鼠腹充蟬糧娜嬛洞天如許白日到叱去

雙犬窺縹緗采鸞小楷倩手寫韜以錦暉熏名香烏

皮几上日披誦便可頻視曹家倉

錄別送嗇生先生之官揚州

君將去兮廣陵我將去兮武林隔千里兮不相見惟
聽落木聲蕭森落木聲風兼雨思美人涉南浦

曉泊鳳凰山

孤枕單衾客櫂斜風細雨空江睡起樣舟橋畔翠嵐
飛落篷窗

八月三日松江道中風潮

白露節已過風潮猶復生

諺言白露後無風潮今已過二日矣水飛連

屋捲雨重壓城傾恐失年豐望因教旅悶并海壩頻
歲儉珠桂劇關情

嘉興

過午微颺靜江鄉景色增扣舷歌白苧移櫂撥紅菱
落照連霞斷平湖入暮澹倩誰調粉麝一一寫吳綾
舟夜
暑未全消秋未深冷蟬吟罷亂蛩吟憑他柔櫓謳雅
響搖破儂愁到武林

出錢唐門

一片澱湖淺澁遲兩峯遙峙影參差者邊千萬垂楊
樹秋淺秋深知未知

湖上

拜石飛來後重游已七年湖山仍勝地筆墨又清緣

中丞師訂余入志局書云湖山勝地筆墨
清緣繼樊榭歸愚而後實爲佳話云云
秋染千林
翠天圍一鏡圓煙波最深處多少酒人船

就莊

兩湖淨無塵羣巒碧無際尋幽過招提徑盡水難厲
自莊至斷橋
大水沒路
沿涯得小築因山累成砌境僻匙人經
柴門斜不閉擘勝寄遐情登樓注遙睇巖壑不知秋
雲鮮夕陽霽敞軒倚方沼夫容影搖曳折兮贈所思
臨流覓蘭桡

夜泊寶善橋

皎月照空江江橫露華白高吟四愁詩遙情託良夕

稻香吟館詩藁

卷一

圭

美人碧雲端咫尺音塵隔我欲從之游待借臨風翮

過鶯脰湖

晴波漾漾樹迢迢蘋葉菱花極浦遙借得樵風過鶯
脰卸颿剛到畫眉橋

平望

昨晨發艮山今晨抵平望朝曦斂蒼煙晴湖細紋漾
極浦白蘋多遙遙起漁唱遐哉元真子高風夙欽向
孤蹤託蓑笠泛宅桃花浪余亦厭塵俗形骸頗自放
思乞釣輪子兼挈采菱榜煙波一津遠雲水涵空曠

龐山湖望吳江城及楞伽山

塔影微茫水一灣
蘭橈不動布帆閒
垂虹秋色知何限
不盡蒼波接遠山

題邵翁西樵 阮 倚杖圖照

陶公雖耆飲不挂杖頭錢
愛此延齡種采之靈壽縣
梧巢詩律細花圃倚聲便
正值秋光好行行試聽泉

再題山居圖

澱湖澱瑩波滑笏泖湖彎環
秋羨月先生生長煙水鄉
偏喜幽棲雲霧窟提攜畫
義策扶老結束青鞵與布
韞入山山深一回首片片
飛雲翠微沒夾徑蒼松挺
碧髯天風噓拂濤聲發岑
陳蜀嶧繞書堂朝陽夕

陽景恍惚秋清野鶴或飛來夜靜山靈或請謁夕供
昕養煙雲多貌比凍梨神發越問山何名翁但笑攷
徧圖經名總闕買來不費杖頭錢虎頭點染成倉猝
松煤耗損鼠鬚禿煙巒皴出磬頭凸先生仁壽宜樂
山合喚南山勒山骨不然題作小盤谷旣壽且康祝
黃髮

連日坐蒲褐山房聞鶉鳩鳴不止因念昔游
似在橋西似屋西巢林底事盡情唬分明舊日松陵
道桑柘陰濃水拍隄

欲購茶甌未得西樵翁聞之輒以二器見贈賦

謝

白質琬文飾采鮮雙雙來自九江船陶成巧匠通都
購惠出詩翁韻事傳置此卻宜青玉案貯時須待碧
沙泉回思長物都蕉鹿珍重承筐報小箋
先府君曾
權饒州司
馬分駐景德鎮故間有瓷器
今已廿餘年廬有存者矣

偶晴卽目

聲聲枷板響晴郊又是江鄉十月交市酒帘高新釀
熟賣錫鉦小隔籬敲紅橋繫艇人登岸黃葉辭柯鳥
露巢鄰叟倚檐斜曝背白頭無事守衡茅

兩昔大風雨不止懷家齋生敘授

垣外卽寒林林深竹樹森終宵聲不息到枕夢難沉
風雨傷青鬢江山隔素心竹西如有月把酒可登臨
蓬山
蓬山頂上絳宮傍皓齒明眸淺淡妝自昔畫眉新樣
巧祇今垂手舞衣長身如楊柳眠還起骨比梅花瘦
更香休怪玉顏无術駐神仙愁病也尋常

杭州府學觀光堯石經

羞乏岐陽碣聊書學舍經刊成碑建閣拓得墨流馨
時方有致遠存遺石開元媿典型堪嗤賈團練八十
工椎拓
匣蘭亭

步出錢唐門至葛林園訪張文漁明經

燕昌

朝出錢唐門倭遲寶石麓湖山態日變頻見不嫌數
路遙非所惜意行騁遠目穹碑記放生太半匿矮屋
瓊椎旣未攜仰瞻未能讀復有磨崖書繡蝕苔蘚綠
嗟彼山骨堅終受風雨剝下嶺緣湖壩山紆徑隨曲
長堤匝新柳條風吹漸綠湖波生微鱗遠峯淨如沐
誰將并州翦翦入鵝谿幅无事此臥游足滌胸臆俗
眷彼泉石交棲此山水窟隱几熏一鑪登樓挂一笏
我來同看山平陰鎖林樾今春如漏天偶值宿雨歇
雨歇雲尙嬾縷縷戀石骨天北一峯露天南一峯沒

雲嬾雲更閒勞生徒杳杳

自西泠橋泛舟過孤山

放鶴亭南路谿山靜轉幽今朝交二月亭午泛扁舟
春色村橋罨鐘聲佛剎流何當攜酒伴重作踏青游
詠西施乳

无瑕白玉望來同多少春情逗此中味俊不關生越
地花香端合憶吳宮求時曾結千絲網舞倦初開一
抹紅只恐阿環輸滑潤雞頭新剝儼難工

于忠肅公祠

居庸土木接烽煙再造純忠可格天宦寺倉黃輕北

狩先生慟哭阻南遷蒙塵幸免嶽欽禍讓位空思臧
札賢今日西湖煙水濶鷺鷥飛徧夕陽邊

吳越武肅王祠

迢遙天目勢峻嶒圓木英雄應運興憶自錦衣榮樹
石尙畱金券守雪仍恩讐任向遺編辨正朔憑蒐斷
碣徵一十四州元傳舍隔江惟有禹王陵

中丞師招同陸蒲塘知縣惇宗王秋塍上舍復

泛湖遇雨

樓船撐入段家橋暝色迷濛畫宋寥謝客登山虛蠟
展司勳載酒且停橈亂雲似絮隨風出密雨如珠著

水跳共倚窗楞看不厭莫嫌游興減今朝

湖舫晴眺

一片晴光水不鯉閑移小艇似蜻蛉文君眉嫵何曾
畫枉看春山遠近青

一房山

因山架成屋屋倚山爲壁誰劈碧雲根漏痕泉細滴

題張文魚

燕昌

煙波宅

本是煙波舊釣徒愛划雙槳泛西湖夕陽欲落晚鐘
起泊向柳陰沽一壺

筆牀茶竈儘安便好趁風清月朗天一片吟聲出蘆

荻錯疑牛渚運租船

東西南北總忘機
雨細風斜不用歸
寄語前灘鷗夢
穩莫教驚起避人飛

虹橋版詠爲張明經

燕昌

作

虹橋版虹橋版去天尺五橫
青嶽傳說神仙履跡曾
親踐如何倉龍周天廿餘回
繡盡雲嵐不生蘚何年
風雨墮人寰一染紅塵那能返
我聞幔亭峯有屋多
瓊瓏又聞武夷君張樂呼鄉人
鄉人雖是神仙族天
上津迷徒不爲架長梁
代錦颿不用鞭山只斬木
此時高山深林與穹谷
夜夜如聞畢方哭誰知下壤

輪囷材不中神斤鬼斧斲此木葉何方恐是湯谷之
扶桑鬱儀無須九枝駕斫其一橫天閭又疑度索
山蟠桃槎杈條堪攀枯枝如金不吐藥阿母容放旁
人刪金粟山人生已晏不識武彘之君若何面又未
獲與賓仙譙案頭偶然畱一片我來見木屢摩挲孟
浪從君問眞贗吁嗟乎指星貫月總埃塵橋斷還餘
尺木春海外赫蹏包不住幾時更遇紫霞之褥紅雲
裯版以高麗
紙爲囊

題四賢祠

杭州自昔多賢守唐宋名卿鼎足三似恐湖山無地

主更邀高士與同龕

重過就莊

人去空庭掩竹扉
鄰牆賸有燕雙飛
簾花滿架東風軟
吹墮殘英上客衣

九里松

九里雲松外行行
一徑賒空山曉布穀
埜店放桃花
鄉味朝飧筍村居
午焙茶支筇過
釣畧盥手漾晴沙

冷泉

人愛溫泉溫我愛
冷泉冷莫睡此泉
中中有飛來影

偕潘秀才

世鼎

山行

村店沽村釀青帘嬾不張兩峯飛翠濕三月雜花香
心共閒雲遠春隨澗水長耦耕如有日同築避喧莊

海鹽張明經

燕昌

仁和趙文學

巍

各佩金幣一

爲賦

鑄此幾千載依稀辨夏商改充名士佩永謝賈人裝
螭彪見應遁球琳價或當金銀氣銷盡薶久也難藏

題鄞縣袁秀才

鈞

荷淨納涼照

荔翳深林外陂陀似掌平此閒堪消暑獨坐可怡神
夢在羲皇上花如君子清相思隔天末折寄代瑤英

趙晉齋

巍

瓦頭硯哥

趙君好古多古器羅列几案無俗意就中有硯如鏡
圓形模缺蝕是誰致淋漓墨汁我不顧展轉擊看款
與識非端非欵非澣泥背有靚司空瓦字試詢陶出
是何時茂陵年代依稀記方圓借勢筆跡勻物勒官
名豈无爲令丞官屬宗正職稍殊長樂未央義漢京
三輔多離宮尙方陶旅頻埏埴旁風上雨春復秋蒼
莽荒原等閒弃銅龍金鳳久銷廢何況區區同敝屣
填街發井兩无用瘞土沈沙那足異雙丸易逝陵谷
變又被耕夫鋤出地土花繡久質漸細不待磨礱已
純粹偶然墮入措大手截受蟾蜍眼中淚竹嶮庵

君讀

書處中佐筆耕當年覓得良非易願求數寸澄心紙揭
字遺予甘拜賜

謝鮑丈

廷博

惠書

珠林玉海世爭傳便是鄉嬛古洞天過眼雲煙應著
錄丈所藏極佳宋刻及舊鈔久已散佚今閉身歲月
之所存非其至者余勸其作書目傳世任懷鉛借書以外更无客開卷之餘卽是仙鄴架頻
過分惠屢歸裝添壓僕夫肩

過集慶寺

閻妃功德院紺碧黯无光佛古傳鐙滅僧寒乞食忙
六陵无樹石三度閱滄桑金粟畱雙影千秋伴法王

寺藏宋理宗御
容及閻妃像

集慶寺後卽閻妃葬處

茂陵專寵李夫人園寢空山絕代春好面尙畱殘佛

刹

如建集慶寺備極崇麗時有淨慈靈
隱三天竺不及閻妃好面皮之諺

返魂无藉少

君神玉扇縹緲紅顏化

姚勉述救祭妃文有五
雲縹緲誰叩玉扇之句

金梳

銷沈白骨塵環佩儻能歸月夜西湖煙水映青燐

仇一鷗孝廉

永清

招飲湖舫游金沙港

微雨止還作斷雲疎復行渚楊垂礙舫山翠濕連城
時序將初夏風光冀晚晴遙看鷺飛處別有管絃聲
風蹙鱗波細船回倚櫂斜平橋過錦帶小港泊金沙

石巧低臨砌，泉鳴細濺花。園池佳景在，客久念思家。

潘秀才

世鼎

招游竹素園

好趁雛晴日，言尋竹素園。碧天收雨腳，綠水浸雲根。
乳燕穿林小，羣花繞榭繁。亭臺深隱處，移席可開尊。

夕陽

半在林西半澗西，山腰一抹與雲齊。晴墟負擔人初
散，野店離鞍馬獨嘶。遠樹梢頭畱霽景，孤颿渡口帶
橫蜺。農夫耕罷扶犁望，雅背無多暝色迷。

他年

他年誰贈買山錢，第一橋邊築一廛。三竺梵聲吹枕

上雨峯嵐氣滴窗前看雲小立仙人石遲月徐烹君
子泉幾樹垂楊數竿竹倦游好繫總宜船

五月十九竟日大雨詰朝雨止將詣張君

燕昌

話別而其館人持所還書至則已于昨日行
矣悵然作此

孤館愁狂樹扁舟返故廬與君千古契還我二癡書
刻石流傳久前賢攷證疏文章褫泐甚仔細辨焉魚
君方著石
鼓辨譌

歸舟卻寄潘大

世鼎

昨夜餘杭酒鐙前爾共斟今宵武林櫂枕上我孤吟

有志枕流水所思期斷金平生向肝膽領取百年心

初見燕

小燕憐春色來時正杏花新巢知未定可肯入貧家

新柳

昨歲西湖見相逢又水邊腰緣扳折瘦情爲別離牽
節序將寒食容顏各盛年相憐無限意爲爾一停船

敬題宮詹師游天台日記後

先生手策萬年藤直到天台最上層儘有籃輿供地
主不妨禪榻借山僧終宵懸瀑聲如吼五月飛雲冷
欲凝徼幸一編游紀上也將弟子姓名登

二姜先生祠

生公臺外樹蒼涼誰奠椒漿弔二姜一紙諫書飛熱
血數間祠宇對斜陽老兵有夢攀龍馭難弟無家伴
雁行同是孤臣淪落死邨堪殘劫閱紅羊

贈花詞補和袁翰林簡齋爲嚴公子子進作

撮合何煩坤扇奇筵前一諾卽紅絲推敲卻扇詞工
未曾侍康成解說詩

耿耿金波水不如娟娟涼露浸庭除蘭釭小剔香徐
藝好伴雲窗夜讀書

從今停卻鼓盆歌樊素專房寵愛多秋漏正長秋夢

穩任他星漢影如何

婿徐琳森玉

男華清正之同校

稻香吟館詩藁卷一終

稻香吟館詩藁卷二

嘉定李廣芸生甫

乾隆五十五年八月十有三日

皇上八旬萬壽謹擬四言詩百首恭紀

帝德合

天

天申保佑

鼎錄延洪

備膺福壽

其一

萬流仰鏡六幕同春

歛時敷錫

乾符坤珍

其二寅承

昊貺

行健孜孜五十五年奉三無私

其三

三垓八觚瑄玉

親奉黼黻竹宮蕃釐綏寵

其四

蒼龍左角星曰天田

雩于首夏爲穀祈年

其五

六宗羣神宗伯是掌

中祀一周豐融胖蠶

其六

占晴問雨

心貫三農靈湫禱澤嘉霽霑濃

其七

簿正祭器博古

攷禮雕簋蚩彝馨香酒醴

其八

列聖燕詒

寶訓

實錄紹聞衣言

晨興敬讀

其九

西崑貢玉

冊尊

五朝龍紋鏤彩鳳藻鐫茗

其十

堂名紀

恩記分前後松壑花臺羹牆棟牖

其十一

煌煌

奩訓元璽用鐫騎射冠服率由不愆

其十二

雄關

躬戰曰薩爾濟

書事勒詞經文緯武

其十三

締造規模紀於方畧

長發其祥販章鴻拓

其十四

振振麟趾

五代一堂雲仍戲彩萬世其昌

其十五

朱果毓祥瓜

繇萬葉

上下五世天潢

玉牒

其十六

勤政顏楹無逸銘

展

自疆不息

勲華竝偉

其十七

萬牘玃閭

睿裁罔逸燭翦玉榮露含

丹筆

其十八

董正羣僚周官時叙晝接近

光咸承

天語

其十九

灤水之陽清涼

蓬苑肆覲外藩因之柔遠

其二十

越角吳根六臨

鸞路

閨澤頻施彌綸布護

其二十一

白山黑水龍盤虎踞

眷念幽岐

陪京游豫

其二十二

津門近輔沽淀所滙鬣之奠之

瀾安瀛海

其二十三

星旂沛艾太室五臺香林震旦中天洞開

其二十四

幸少皞墟及

孔子宅壁響金絲壇畱琴策

其二十五

舞萬春丁露

門

釋奠鼓徵興秩采芹酌薦

其二十六

辟廡海流古制

從朔園橋觀聽

親臨講學

其二十七

宣碣籀書蛟螭蟠屈十鼓垂刊

千秋法物

其二十八

穀

祈上辛

藉耕吉亥黛耜紺轅

四推弗改

其二十九

穀數民數司農歲獻二十倍前

屢豐綏萬

其三十

四免正供二千萬萬漢文賜租曾

何足論

其三十一

玉粒香秔全蠲者再含哺熙熙春

祈秋賽

其三十二

廩發陳紅賦畱穗秸保息振貧

惠覃塊北

其三十三

漸江龕赭秋濤北猛伐石築塘

鱗波澄淨

其三十四

醜河北徙清黃分流誌石宣洩

隄防乃周

其三十五

伊家六塘洪流順軌翕河如鏡

機宜

親授

其三十六

淇園下竹瓠子捷薪浪恬鯉壑隄合

龍津

其三十七

水道源流

宸章剖析上煥禹益下卑桑鄺

其三十八

講筵談經毫析理窟

御論敷宣昭如日月

其三十九惟

聖人文積千餘首地負天涵奎光射斗

其四十惟

聖人詩五萬有餘含風飲雅弦誦比閭

其四十一

臨池摘翰鳳翥鸞翔墨雲筆露妙契鍾王

其四十二

花藥蔥蒨雲山寄欵墨海餘閑造化爲

心

其四十三

相臺五經佳本久佚

稽古右文萃茲一室

其四十四

召誥一言七觀可蔽

敬勝者吉丹書同諦

其四十五

惟史有評實爲辨囿

衡鑒大公一洗往陋

其四十六

文獻典章式贊

淳化續纂三通邁杜鄭馬

其四十七

睢盱萬狀伊盟

九譯職貢成圖蕭間避席

其四十八

志廣輪數肇周

司徒亘天爲寓

一統黃圖

其四十九

四庫編書七文建

閣宛委羽陵阮錄劉畧

其五十

詩三百篇入樂復古

弦歌之音叶於韶武

其五十一

樂貢兩伯

語用尙書大傳文

歌奏八能拋離禁鞮鞢是徵

其五十二

山出古鑄

撫鑄銑鉦玉采和闐特磬辨聲

其五十三

周器十事

敬陳

關里修以乙瑛掌於卒史

其五十四

制科兩舉才士經儒戴筐六宿光彩如珠

其五十五

藥榜秋魁南宮春冠

盛世三元蜚英虎觀

其五十六

龍鍾握管席帽青衫

恩攀郤桂

寵錫頭銜

其五十七

聖文旣煥

聖武復昭蠡旗太乙上應招搖

其五十八

大西門

射中十八九樂節騶虞福雕龍首

其五十九

秋爽伊

縣三驅卽鹿肄武詰戎湯網

親祝 其六十 昔準噶爾蠢蠢邊境吳巴什來

乘機底定 其六十一 哈薩克投布魯特駭永定要荒

暨烏梁海 其六十二 反側無恒兩和卓木旣枯貳貢

安汝牧畜 其六十三 蔥嶺西通烏什內附贊普名王

斤奚別部 其六十四 促浸趨拉飛走路窮高碣疊摧

翠珉勒功 其六十五 距海伏莽虺蜴是潛揚帆破浪

一鼓而殲 其六十六 弧曜澄宵

紫光開閣

錫宴圖形勲旌褒鄂 其六十七

告成

大學

文勒穹碑丹淵濁鹿

駿烈同垂

其六十八

良治範金聿圖戰績日篤不忘

仁者無敵

其六十九

共球鱗萃受茲駿厖光被

聲教歸順歸降

其七十

內札薩克四十九旗傾心歸

命無事羈縻

其七十一

魚通磨梭極於衛藏隨使車

來喜瞻

仙仗

其七十二

瀛嶼澎湖厥南番社遠渡重洋誕孚

元化

其七十三

阿瓦三江古稱驃國云何輸欵星輝

南極

其七十四

五天竺西曰巴勒布

表達戴紉亦感亦怖 其七十五 安南入

覲夏正久

頒翠翎黃褶蘭綺鷄班 其七十六 職方有志王會有

書紉牛茵鶴萃於爻間 其七十七 丹穴搏桑梯航接

踵五國朝正駢羅星拱 其七十八

八秩初開庶徵恒

念歲省星從

五福斯驗 其七十九 製

璽珞瓊開函抑埴

朵殿聯吟蕩平

建極 其八十 暘雨日時陰陽順運非瑞真瑞玉燭所

醢 其八十一 獻歲王正

紫宸曙啟渙汗

德音寶書鳳紙 其八十二 廢縣浮沉懷柔喬翕舊

蕭茅皇華靡及 其八十三

丹綸紫誥

錫命惟三

榮施展孝章服

恩覃 其八十四 爵

賜一級徧及百僚大法小廉仰戴

義堯

其八十五

壽越期頤海籌益算寵賚自

天朱提組纂

其八十六

德門人瑞孝友敦龐曾元衍

慶綽楔幢幢

其八十七

叟會三千需雲黼黻鳩仗雍

容鮑顏梨面

其八十八

竿立金雞躔空貫索共慶咸

中歸安耕鑿

其八十九

秋香窠窠春林爛漫

恩榜作人倬彼雲漢

其九十

黃扉國老弱冠登

朝瓊林重晏玉鼎和調

其九十一

閩叟矍鑠來介

壽觥百有十歲秩貳司成

其九十二

玉券珠巾銀繩

芝檢

盛典編成光生琬琰

其九十三

歲陽上章月建壯橘

壽星之次角亢躔日

其九十四

玉宇秋澄金莖露潤

萬寶豐登霞觴酌

晉

其九十五

魚龍曼衍絲竹喧闐

昇平普慶

萬祉蟬聯

其九十六

梵筵祝

釐驩騰衢唱伊嘏我

皇與佛無量

其九十七

九賓

廷臚四和輻湊華祝嵩呼

雲韶鈞奏

其九十八

淵耀德星慶霄麗景秋分南郊

曙見於丙

其九十九

莢增泰元

慶延九圀日升月恒

億萬萬壽

其一百

山塘雜詠

越溪碧浪皺初平
吳苑紅蘭葉又生
一桁水紋簾不卷
東風吹過賣花聲

江南二月滿芳菲
不那王孫去未歸
日午小樓春睡醒
惱人雙燕入簾飛

綠黛風流憶苧蘿
琴臺寂寞怕經過
幾回欲訪真孃墓
一樣銷沈可奈何

頭棚船子載弦簫刺繡紗窗淺縠搖停到三浜人靜
後歌聲遙度半塘橋

二八吳娘花樣嬌生來慣弄木蘭橈春波一掬平于
鏡映出眉山翠兩條

破楚門西雨散絲金閨亭外蚤春時相逢若問儂居
處遙指青山短簿祠

畫鷁齊縣七寶燈初三新月更如繩此時誰把瓊簫
弄惆悵紅樓隔幾層

爲解輕寒杯未停畫闌遮莫響花鈴櫻桃風嫩渾無
力吹透春衫薄醉醒

博山鑪爇水沈香春漸深時日漸長莫倚玉羅窗格
望如絲煙柳斷人腸

落花時節賁飭天塵雨雖晴並可憐一種傷心人不
解春愁如草草如煙

田家早春日

蠶豆放花白薑菜放花黃呼童摘菜花俄頃盈其筐
煮菜飯嘉賓菜甜飯亦香東鄰出呼雞西鄰出牽羊
相見話晴雨落日籬根黃

吸盡

吸盡西江水難銷十斛愁鳳皇饑杜甫牛馬應莊周

對酒將投筆傷春獨倚樓輸它蘇季子猶辦黑貂裘
夜宿龍潭

驛口昨停舟騎驢又潤州風鳴大江浪人臥亂山秋
便作消搖想元非汗漫游今宵明月影流照到牀頭
秦淮水榭

了字簾前兩槳舟紅牙檀板發吳謳箇儂獨對清淮
月凭徧闌干水上樓

題王述庵先生三泖漁莊圖

木蘭橈子撥魚鱗穩趁樵風到澱瀕已識襟期同月
朗更從圖畫見天真逸情自寄煙霞外勝地常畱水

木新南北垞深曾繞夢東西泐近詎迷津誅茅恰縛
三間屋汎宅長攜七尺綸非郭非村當僻地有書有
酒伴吟身此間頗樂堪遺世且住爲佳試結鄰香餌
沉浮都不問銀鉤曲直總無因訂交不乏村夫子扣
戶應來農丈人笠雨簑煙供獻傲菱紅藕白玩昏晨
補籬笆拂絲絲柳鎖緯蕭浮點點蘋潮落鳴頭青不
斷雨餘螺髻翠無垠千花塔影登樓見九耳鐘聲到
枕頻遠火星星明午夜清歌隱隱起蕭辰五湖豈必
思鰕菜千里還教淪雉萼巷憶烏衣嫌尙俗居同鹿
柴不沾塵聊如甫里攜茶竈那向湘陰借釣輪笠澤

叢書應繼作茗谿漁隱定相親清風明月眞無價老
鶴閑猿更覺馴只恐鑑湖難便乞濟川舟楫重絲繡

寄孫大季仇

白下知名久吳中把臂遲紵衣同契合蘭臭詎差池

黃絹褒蕪句烏絲惠好詞

曾跋予山唐雜詠

索尻成獨學西

笑重離思

庶子春華擅家丞秋實兼天台山賦綽爾雅注成炎
染翰豪鋒銳奮經筆末銛蓮池多暇日握槩畫重簾
關華雄天府登臨果壯遊杜陵曾客武王粲亦依劉
漢時蒐金簡幽風訪玉舟奚囊多好句試付寄書郵

攷訂吾儕事秦中石墨多青箔輕灑剔碧落細摩挲
漢隸徵文異唐經辨字譌百朋如錫我琬琰寄煙蘿
春去鶯花減新陰綠滿庭舉頭唯日近坦腹悵雲停
句得杯浮白書抄簡殺青他年重握手商摧校遺經

送周青原赴陝西畢中丞幕府兼問錢篆秋孫

季仇

祖道慙无櫻筍厨長征珍重控驪駒秦風板屋宵停
轍華嶽蓮峯曉問途開府名真同北斗舍人才合賦
西都憐余寂莫研經訓惆悵雙魚訊二儒

斗大

斗大空庭滿綠苔
桂花才謝菊花開
天公雨露栽培出
那得園丁灌溉來

鐙花限敲字汪二蕩漁敬同作

銀釭頃刻一莖梢
相映宵分韻屢敲
巧鬪文心全寫樣
苗抽藜火頓含苞
獨回大造三春力
嬾結豪家十客交
分得餘光還四照
滿園桃李莫輕嘲

同年張稗華孝廉景韶下第未幾病歿僧舍詩

以哭之

年少他鄉死
雙眸那肯瞑
春前人似柳

君美姿容

曙後女

無星讖應蛇爲已
歸將鶴化丁從今
開篋衍不忍讀

黃庭

君工小楷嘗臨是帖見貽

才人多不壽終賈古相符羽向青雲鍛身隨白日徂
交游埋玉嘆歛具醵金沽揜袂尤含痛遺他照乘珠
座主少宰先生深致悼惜

題黃鶴樓圖爲同年余伯扶孝廉

鵬年

賦卽送

其下第歸里

萬里江聲不斷流凌空涌出有高樓雲中黃鶴幾時
去天外碧螺幾點浮今古武昌稱巨鎮往來文士慣
停舟凭闌無限登臨興付與荆關一筆收

廿載詩名畫裏身江湖題徧作勞人心懷南國論文

友楊進士蘿峯史文學赤霞皆與君同登樓者衣化東華撲面塵玉剗荆

山緣屢獻珠遺滄海豈終淪只憐秋冷西風急衰柳

征鴻促去輪

同年張船山吉士問陶贈詩依韻奉答

琴鶴風清乏宦囊尊甫太守公由邑令起家累官滇中家貧甚人間難覓

點金方四愁漫欲追平子一石偏能守贊皇相國文端公之

封公曾受先朝賜硯久而失之近復歸於君不詣貴人非獨懶肯交吾

輩便為狂禪房揮塵天晴煖且喜時光近小陽時寓松筠

院禪

欲把交情訂柳韓每從詩酒接餘歡三秋人比黃花

瘦萬里家憐蜀道難荷插劉伶相伯仲揮毫宋玉可

衙官出山詩好挑燈讀

君入都近什

離緒纏綿仔細看

送同年黃左君戶部

錢

假歸蕪湖

翦燭銜栢夜漏遲征衣相顧化爲縑君多傲骨難諧

俗我久傾心奉作師廉亦可傷頻索畫

余屢乞別真君山水

堪惜爲裁詩銷魂莫誦江郎句春草春波彼一時

都是江湖席帽人一朝忽現宰官身妄思弱水能偷

度不信神山竟隔塵

廷試余第五君第九分省引見余冠江蘇君冠安徽旁人皆

以館選相擬

石有香含差免俗腰因米折且娛親須知同

作韓門士此後修名各自珍

秋日過張船山庶常

問陶寓

日日尋君繡佛齋每聽譚往重徘徊家貧不惜爲秦

贅詩好端因號蜀才五世達官清節在

君自高祖相國而下曾祖

通政使祖父皆太守

數枝老圃晚香開只憐秋漏初添永鄉夢

寒衾夜幾回

枕上

時光虛度鳳城棲枕上重思舊事題縮地神仙空有

術談天處士太無稽邊霜白餞金城鴈海日紅醒碧

樹鷄秋正冷時天未曉靜聽鐘唄動闍黎

近寓有僧舍

同年洪穉存編修

亮吉

屬題城東訪月圖小影

先生家住清暉橋訪月城東夜忘冷昨來高詠大羅
天竟上蓬山最高頂瓊樓玉宇三五時頻眠清光萬
千頃故鄉白雲外舊游那忍忘每當金波滉漾照良
夕有夢猶到城東坊五株松十竿竹紅闌橋紺垣屋
花笑相迎禽語熟寫以剡谿簾褰以琉璃軸朝罷熏
香展卷看釣游之景恒在目今我將行往西湖臨別
方得披斯圖強我題詩苦才盡離緒紛然莫能忍我
今去君乃畱寰塵矯首望瀛洲雲泥濶絕歲月適願
君早晚乘星郵材量玉尺錢江頭西湖明月澈清秋
若能脫畧禮數舊好修尙能總宜船中載酒達旦從

君游

十一月十九日出都阮編修元張吉士問陶陳

戶部登泰張大令時霖朱公子錫經洪明經

坤烜王明經澤相送廣寧門外

再畱畱不得相送國門西栢酒更番餞詩章次第攜
百年存編紵千里判雲泥腸斷河梁詠遙山日漸低
三家店

昨夜懷人夢銀釭燭有花南行才兩日小店號三家
雲冷將催雪風嚴欲卷沙

觚棱猶望見回首戀京華

曉過趙北口甚寒

雞聲和夢斷殘宵擁定羊裘冷水澆轅下一鐙光似
豆忍寒行過十三橋

冉子伯牛墓

對此韓陵石言懷采芣歌

韓詩芣苢傷夫惡疾也

彭殤雖一致

顏閔實同科古蹟中都宰寒冰汝水波斯人有斯疾
天道究如何

露筋祠

一昔白鳥攢血肉立使殘若併成雷力殆眞可負山
拘墟以理度故事盡信難然而天壤內管窺何足殫

妄言姑妄聽志節可以觀譬如孝刲股亦有忠納肝
何物弱女子操比秋霜寒兒血任蝨吮兒肉任蝨餐
守身如守玉不整李下冠畱此潔白魂共宋同不刊
想其堅忍痛勇與大將班所以數閭祠至今耀河干
過客此停撓競薦蓀與蘭息嫺洎文姬名傳貞弗完

過揚州家畜生郡博

保泰

畱寓學舍連夕劇談

感賦奉贈

先生霜氣欲橫秋口若縣河萬仞流難合時宜坡老

肚不休問事賈長頭兩言詩禮經親授

令嗣穆卿秀才親承家學

四壁圖書字細讐

君者蓄書

堪笑此閒非所樂枉教騎鶴

上揚州

不論粗官與冷官
塵寰同墮且彈冠
連羸大敵三過
鼓各欠成仙一粒丹
望切青雲登豈易
詞追白雪和
真難
往歲辱贈詩篇有鄉國青雲人
漸少文章白壁望應歸之句
只應挑盡銀釭
燄月落烏嘯話未闌

夜泊脾灣

澎湃聲從枕畔來
一宵借作避風臺
依然仙境無由
到未及天明纜早開

渡江

千里同雲釀雪濃
渡江單舸逼嚴冬
試窮入海浮天

目似拓吞雲起岳胸鷗鷺掠波飛一一檣颿隔岸影
重重獨憐咫尺金鰲背風引船回枉自逢

吳郡追輓苻谿季父

總帷低颺朔風寒瞥見銘旌鼻頓酸二載遽成長別
易九原從此報恩難

叔相待甚親

篋存類狗書猶在柩息

如牛歲欲闌自聽阿咸金字帖那知通籍僅粗官

廣芸

授職信至叔已屬纊

指彈四十六春秋子又生孫力未休心竭遂教紅咯
血髮晞曾未白盈頭偏提廢併杯三雅不律埋先土

一邛

叔善飲嗜作書

花滿園亭魚滿沼平生有願不能酬

十二月二十七日抵家

風雪逼殘年扁舟歸故里凌晨排闥入慈母披衣起
定省兩年違門閭幾回倚再拜覲容顏康強劇堪喜
山妻亟妝梳勞苦談弗已宰縣知非樂聊勝計偕士
況有花閒興足奉北堂旨俄頃親朋知過存室具邇
寒暄不數語戶外又增履久客乍還鄉倍覺鄉情美
所以古詩人敬恭桑與梓

追輓王榛麓師兼示令孫金照秀才

茂蓮

不但師資又父行歸來頓失魯靈光通經學久傳多
士祭酒風真式一鄉遺集止畱叢稿在後人須咬菜

根香中衰門第還堪振珍重青箱業莫荒

板子磯弔明季黃將軍得功

江表傳

黃將軍舞鐵鞭鞭花罩身血亂濺得勝歸營卸錦韉
血膏鞭與手掌連當時威名相埒寧南左十萬貔貅
上流坐聲言就食下南京跋扈將軍測誠叵譌言早
怖小朝廷亟檄黃侯駕飛舸荻港江連板子磯一枝
鞭抵千尋鎖烏虜此時有明位已閔

王師勢如破竹進南京城壞竄板磯猶仗將軍支一
陣可憐運去人心離帳下偏裨甘進刃將軍以死殉
辱王毅魄應偕閣部香試看西風吹故壘怒濤如雪

打𧇖𧇖

調黃孝廉

筠館清秋熱不禁
湘簾卷上一鉤金
酒鱗綠映雲光薄
燭淚紅垂漏點沉
鏡裏朱顏須自惜
天涯好侶念應深
只嫌到耳蟲聲急
慣攪離人夜夜心

初泣孝豐

才拋書卷便臨民
初試剛宜小邑淳
三字銘碑詞鄭重
萬山環郭勢嶙峋
政如東里人斯惠
治以西京吏最循
尙有傳家遺譜在
首將多士細陶甄
頭銜何必羨清華
且放山城早晚衙
厭土所宜尤竹

箭斯民共賴勝桑麻不貪爲寶心堪問與物皆春願
太奢政簡好勤萱寢侍莫誇風雅種潘花

打更鳥

山寺晚投宿山禽爲打更夜寒天籟寂如水月華明

樵者

春樹年年茂春山處處樵數枝紅躑躅也共束薪挑

行縣

行縣當春日風光滿目妍綠煙燒筍地紅雨焙茶天
簿領元多暇溪山信有緣還勞耆彥輩迎向夕陽邊

雨後曉行山中看雲

迷迷濛濛一片白氤氲氤氲杳無迹盤盤旋旋斷復
連濃濃淡淡厥狀百前山倏沒後山露露處還疑巨
靈壁山腰乍封老樹根山麓又遮茅屋脊我行嶺下
到嶺上筍將穿入不相格只愁對面僅聞聲如繭裏
蠶無空隙昨宵聽雨朝看雲雲態離奇蕩心魄更愛
流泉泐泐鳴似和樹間禽格磔

孝豐民以竹爲命而冬月竊筍者多山谷窈深
不能盡禁之賦此以歎亦自媿也

孝豐皆山山皆竹望去葱蘢一片綠種竹非關愛竹
心只爲終年事與育厥土所產非一物春有蠶絲秋

有穀伐薪燒炭取無盡茶筍佳名號天目客民造紙

兼藝麻下者猶能種蘆菰

閩民確紙江西民種麻昌化民種蘆菰

然而

計利竹爲盈有竹之家方有肉無如種竹亦甚艱兩

歲才能逢一熟

竹類非一貓竹最大然必隔歲方一發筍

鉤梢捏油非一

端

山中雪大壓竹必折故多芟其枝謂之鉤梢以油書字竹上示辨謂之捏油

還雇保傭

山上宿野豬狼筍尙可驅莠民竊筍非易逐成羣攜

斧朝入山貪心直欲令山禿守者呵之轉被縛不但

哀求兼且哭紛然赴愬入縣庭五伯勾人令親鞠邑

人見賊如見讐官亦爲之怒瞪目盜田野物料條輕

無過荷校與鞭朴況多鄰邑漏網魚

山近餘杭及臨安界者被竊尤

甚安得厥辜一一伏爲民護竹先護筍千畝胸中亦作福

村夜

豐歲民多樂孤村景倍幽煙橫林籟息灘碎月華流
東道雞豚具西風稻黍收逢人諳里俗霜氣感深秋

吳神童

進士五鳳子

神童兩歲餘阿翁抱就案爾雅讀終篇還能弄柔翰
卽事

每因民事出爰爲簿書閑唐魏風差近王裴句莫刪
白雲迷古渡黃葉響空山到眼秋容好憑興一破顏

別孝豐

區區三里城落落數百戶萬竹綠于煙千山密如堵
雲開林囀禽雨過碓喧杵民淳政斯簡地偏俗乃古
三年媿拊循一意耐清苦臨別重踟躕秋煙鎖紅樹
春祭織簾先生祠

高隱足千古遺祠纔數椽不須圭組貴長享豆籩虔
古樹迎朝旭春山隔遠煙歸緇南史傳簾影似清漣
半月泉

半月泉蟾光闕玉局詩鐫在碣不願泉烹茶不願泉
浸月但願年年化作霖東臯老農沒髀骨

慈相寺

城南有溪城北山山抱雉堞形彎環如屏如障勢回互慈相古刹居其間喬柯密篠各峭蒨好鳥在上聲縣蠻日長境靜似太古一洗塵垢心神閒傳聞坡公曾到此風雅詎敢相追攀但靳歲美令無事放衙輒許來禪關

前溪水

前溪水溪水滑於油昔日樓臺貯歌舞祇今惟泊釣魚舟

四明袁太守信吾先生所居有觀稼樓樓下爲

近齋金都水葑洲先生題額先君子爲作圖
而系以詩太守公捐館後樓屬於猶子某閱
卅餘年哲嗣西廬以它屋易得稍修葺之賦
詩四章索同人和頃訪余於清溪得讀其詩
依韻奉同先君子與太守都水兩公皆壬戌
進士也

觀稼樓居近瞰城懸知卜築費經營畫圖曾點先人

筆榜額還題水部名各欠年齡登耄耄

都水沒取早太守年不滿

五十先君子亦止週甲也

更誰祿位到公卿與君翦盡西窗燭

兩世論交倍有情

風景詩中與畫中宵看月白曉雲紅垣墉塗墍曾分

宅牖戶綢繆又攷工座上客來常欲滿楹間書在已

全通

西廬九歲而孤

憐余賃慣梁鴻廡珍重蕭齋地半弓

先君

子見背後余里居廿載三遷皆僦屋也

樓前車馬晝无喧樓上圖書久尙存負米偶然辭故

里治經端不媿額門頗聞嘉樹譽朋友好看名花到

子孫

庭有桂及牡丹

莫笑儒宮才一畝當年清俸總

君恩

石鼎烹泉沁肺寒銀釭燒燭映闌干過江王謝風流

在同巷羊求禮數寬閉戶著書編以竹循咳潔膳采

稻香吟館詩藁

卷二

三

其蘭何當東渡曹江水拜母登樓博一歡

三初鳴人以植玫瑰花爲業

上初鳴中初鳴下初鳴三初鳴傍鵝山青

村在金山鵝山下

頭青青山下紫一陣風來勝桃李百畝之蕙九畹蘭
一年衣糧半在此

謁陸清獻公祠

城隅講肆卽祠堂

祠在當湖書院之後

今代儒宗俎豆光豈但孔融旌北海還看朱邑祀桐

鄉

吾邑有專祠奉祀

立

朝亮節長焚草宰縣清風勿翦棠當日吳疆誰建鉞

將公名姓挂彈章

遺像清高祀典修，竭來瞻拜直新秋。兩科枝幹同符

節

公中康熙丙午鄉試庚戌會試乙卯丙辰丁巳三宰吾邑廣芸鄉會榜及宰公鄉皆後公兩甲子

泖煙波溯釣游

公家在泖口坊

不媿朝陽鳴鷺鷥，鷺鷥繫誰大樹

撼虬蟬

近時有鉅鄉極口詆公

吾鄉尙有青天譽，舉主難爲魏

蔚州

春草

登樓一望綠無垠，直接花明柳暗村。廣路三條疑斷

脉，東風一夜與招魂。書窗是處含新意，野燒何從認

舊痕。最是年年踏青候，不須惆悵怨王孫。

過蓮花莊懷趙文敏公

富貴聰明各有緣
鷗波一老頗能全
四愁不用歌平子
三絕端應邁鄭虔
錦繡心腸官禁苑
瓊瑤眷屬偶神仙
書生論古宜多恕
遭際還應諒昔賢

陸童子沅年止十三詩文皆可觀
縣試第二余意猶屈之也
府試在第六院試不得售尉之以詩

好花初孕已嫣然
好月如眉未上弦
天意不容春早漏
人心只願魄長圓
鏡因磨後清光遠
琴爲炊餘雅韻全
莫憾青雲吝青目
棟梁材質老逾堅

重到湖州

溪山清遠愛湖州又買輕舸泛碧流春渚白蘋懷舊
雨晚山紅樹入殘秋詩篇最是蘇公富書畫端推趙
氏優祇愧五年羈宦轍名藍勝地欠勾留

詠玉連環

兼金買玉玉具美巧匠琢環環更連宛轉何從分彼
此玲瓏真箇徹中邊雙雙不解緣無縫一一相銜豈
待穿合仿迴紋銘寶玩簪花細字四周鐫

馮文學西白

庚

招餞儉園

偶作閒雲身頻醉祖筵酒折簡又高人開徑固良友

卜鄰倍五家小園餘一畝板橋橫其前道院在其右

謂松塵山房

文史三冬足煙雲四時有壘石旣瓏玲甃池

復清澗徑曲路如螺牆低室似斗喬柯欲干霄秋英
可延壽舊德食乃長先疇服非偶守拙本斯敦崇儉
意良厚頗博笑語歡敢戀杯盤久翦燭別主人新月
照魚鬪

張上舍士周

詰

招飲耜洲山莊東謝

昨赴儉園招今作耜洲客耜洲好園林卜築勞擘畫
庭宇旣軒敞臺池亦婉孌栢老一千年峯高二十尺
兩者奇可居聚好會逢適主人惇古處端謹師萬石

與俗雖酸鹹孝友縣世澤吟嘯煙雲中花晨月之夕
課子戶常鍵陶情詩與奕殊愧一年餘纔接澹臺迹
感君禮意隆坐我以重席愛君揮塵談嘉言比珪璧
當官凜四知取友貴三益深杯酒不辭寒月滿庭白
十月十五日夜偕任惠堂萬觀亭劉南浦飲於
鴛湖舟中賦此以誌

鴛鴦湖上月波樓四面澄波市塵隔寒宵連舫泊樓
前各具樽壺列肴楮侑觴何必攜管弦促坐無從辨
主客酒酣耳熱步湖隄落木盈堆沒履迹城頭柝響
隱隱聞隄上霜華漸漸積仰看明月頻看湖月色湖

波一片白坡公續遊赤壁磯千古豪情共今夕

酬徐文學

光燦

見贈之作

不識徐君面得誦徐君詩君詩凡十章章皆我貽
貽我豈不感惜多溢美詞我无機變才我無武健姿
親民如何稱治劇尤非宜平湖四項兼

衝繁疲難漸
江止此一邑

夙昔號難治來承廢弛後如病深待醫攻之傷肺腑
砭之損膚肌斟酌折肱間羈沒爲支持循良固多媿
清淨差易施巍巍清獻公鄉賢令之師況爲敝邑宰
臭味敢差池多君勗我操我操敢改移明年我重來
延君理桐絲

聞君善琴

琴罷進卮酒請易頌而規

東湖水

東湖水湖水清且漣我來湖上纔一年湖穀旣熟

去冬

及今夏稻麥菜

豆均稱大有湖民賢我今報最非登仙何勞送者

摩其肩彼士大夫尤纏緜飲以樽酒貽詩篇湖月一

鈎湖波圓驪駒一唱湖之孺臨歧一語詞毋還所願

人各芸其田共享豐樂無頗偏明年春好余言旋容

余日理朱絲弦不然黃綢被裏恣高臥臥起更泛東

湖船

看松塵道人所種菊

言停儉園輿兼訪山房菊菊有百餘盆束瓦扶以竹

其半列於庭其半置諸屋形既分大小信亦有遲速
品雖判粗細色頗尠重複西風拂籬來晚香散馥郁
道人顧而笑頤然樂非獨我聞蓺菊難難不讓蓺穀
如何老道人歲歲菊花熟答言此有方不必矜譜錄
畏水須水澆畏日須日暴不燥不濕閒迺能毓厥族
要在識性情尤貴善培築斯言通乎道我欲膺爲服
還宜書座隅日作箴銘讀

楓橋舟中別表弟汪蕩漁茂才

我生嘆終鮮與君爲中表情比手足親何藉紵與綈
昔年同硯席知管者惟鮑相延住衙齋塵事殊煩擾

我今將朝京北發首頻矯凌冬一舸放風暖日皎皎
連日暖甚送我楓橋東殘陽噪歸鳥臨別贈我詩言言比
球寶君誼我感旃我心君盡曉三復國風詩在東參
與昂

惠泉憶丙午舊遊寄汪中表滿漁家弟紉蘭
同攜苦茗竹鑪煎僂指游蹤十二年重坐溪亭訪陳
迹此心仍是在山泉

二月十三日移寓石頭胡同準提庵

古刹依方丈獨居成一家暖禽頻聒耳枯樹未抽牙
二月春無迹初更月有華擁衾鄉思動深巷犬聲譁

庵爲同年黃左田戶部舊寓

乍攜行李過招提先向雙扉認榜題

門上春帖猶是左田筆 恰

似寒蟲新蟄啟

時余抱恙每日杜門

特尋瘦鶴舊巢棲
磬聲聽

到鄰東近月影穿將硯北低從此朱游來更數

謂習之員

外談龍說鬼兩無稽

題張進士孟詞遺像

張進士名騰蛟字孟詞貧漪穢南皆其所自

號聞之寧化人乾隆辛丑以諸生受知于學

使者爲今篆宰大興朱先生有國士之目癸

卯招至會城書院親課之三月遂領秋解閱

十年始登禮部榜覆試殿一舉非其臯也君
以此鬱鬱又刻苦爲文遂病乙卯三月日卒
於潘家河沿之晉陽庵年僅三十有六無子
哀哉歲丁未余以計偕至京與君同下榻朱
先生邸第相得甚歡旣皆下第君畱而余歸
已酉再赴公車君適聞計丁承重艱將行猶
及送之汀州館中然自是遂長別矣君沒之
年之秋晤君同年惲子居敬始得君惡耗浩
嘆者累日頃至京伊墨卿比部秉綬出示君
像因以詩哭之曰

張解元詞瀾翻胸有星海萬斛源張進士騎赤鯉嘔
出心肝昌谷子窮通旣莫定壽夭亦弗齊問天天不
言此理殊難稽君才君學眞無敵偏作名場退飛鷁
電光石火赴壑蛇忍向山陽聽吹簫同鄉故人與寫
照神已先離貌寧肯姑爲署作孟祠容畱與人間知
者弔

風

焱風起土囊枯葉滿庭旋蕭蕭響不斷疑有清霜濺
誰知人海中春序已及半盼雨更思花藥鑪煙似篆

袁浦晤同年談階平學博

遠別如天末相逢又水濱鄭虔官獨冷原憲計全貧
作室編蘆易成書汗簡新只嫌臨孔道手版日殷勤
勉爲秦博士毋愧漢儒林手掌長教焮膏盲始欲箴
九章追隸首三禮斥劉歆君精算學而不信周官莫悔青瑣困
千秋著作心

錢江舟中

淼淼江流沒淡山白沙碧樹岸彎環不知秋意來何
處恰到錢江一艇間

一片秋光指點間仰看寥廓俯潺湲天邊鴻雁沙邊
鷺彼自勞勞此自閒

題同年方茶山刑部沙土園新寓

時新綠極佳

庭前夏木影扶疏插架先安萬卷書
卜宅儘堪雄日下成陰亦好殿春餘
白雲畫諾官偏暇綠雨題名景不虛

主人將顏之曰緣雨山房

最喜鄭莊能好客翦蔬時與集簪裾

人海黃埃每障天清幽難得此林泉綠陰濃勝春雲
沒碧沼方宜夜月圓開府毋爲枯樹賦魯卿休忘角
弓篇遲來已負看花侶況又歌驪倍黯然

往時馮鴻臚星實先生爲道涉園之勝心嚮往
之四月二日以公事至海鹽得游其地主人

鷗舫先它出晤其詰嗣彬彬有禮歸舟賦兩

律奉寄

此是江南烏夜村前朝樂府最銷魂虎皮牆趁彎環
路麕眼籬通曲折門綠瘦紅肥春甫去鳶飛魚躍趣
同論幾生修到名園住況又詩書夙好敦

不曾識面久知名令子重煩束帶迎陋室銘刪劉夢
得小園賦續庾蘭成斯爲山水能兼樂縱是漁樵許
共盟愧我八年勞簿領蒼生無補負躬耕

東湖

東湖畢竟勝南湖九點螺青望有無鴉外鐘疏聽隱

約鵑邊帆遠認模糊一城羣展常來泛兩岸林皋未
盡蕪只欠高樓圍樹石煙煙雨雨寫成圖

讀出師表

上表興師輒涕零大文終古炳丹青江壩蛇鳥藏兵
法井絡魚鳧阻地形十倍奇才逾管樂兩朝秕政恨
桓靈金刀運畢躬徒瘁五丈高原殞大星

東謝吳公孫

顯德

河帥清名五十年公孫才調劇翩翩心肝曾向三場

嘆

乙卯卷在本房三場皆優是科官生
僅中一名未售兩主試亦爲惋惜

衣鉢慚於半

夜傳

余泣平湖時以課作
相質愧無相長之益

政拙陽城應自愧囊空趙

壹特相憐無窮秣馬脂車意古誼殷殷耿別筵

贈張孝廉 躍鱗 乙卯分校所得士也

能耐清貧守硯田琴堂經歲荷周旋名場拔幟燒三
燭文陣偁師集兩甄西蜀文翁慙雅化南州孺子擬
先賢采蘭好爲高堂壽補奏笙詩第二篇

三月二十日立夏葉編修 紹樞 沈吏部 長慶 陳

民部 登泰 邱比部 琛 王州倅 愷 招集徐郎中

秉敬 裴家街邸齋餞席

兩載餘不素食羞更無餘惠到鄰州酷如大暑差能
免和比陽春恐未侔解印怕同遊客逐攀轅幸作賈

稻香吟館詩藁

卷二

三

胡畱吳羌何必輸陽羨卜宅它年可許不

萍逢人海乍承顏

自陳琴山同年外皆新相知

朝士開尊晝掩關

簪笏西吳鵷作侶圖書東海豹窺斑餞春恰喜春猶

駐喜雨都緣雨太難

冬春久旱是日得雨甚大

雅集如邀太常記

烏程戴鴻少蕨塘先生撰藤陰雜記頗采及都下名流譙集詩詞

藤花滿架色方殷

庭中藤花極盛

壻徐琳森玉

同校

男華清正之

稻香吟館詩藁卷二終